

朱自力教授生平事略

先生諱自力，世居江蘇漣水。年八歲因變亂，與堂兄隨先君避地來臺，定居屏東，自此父子相依。先生少聰敏，先入小學三年級，繼入屏東中學初、高中，是時寫作顯露鋒芒，屢獲佳評。卒業後考入國立政治大學中國文學系，嶄然見頭角，詩詞曲尤為特出。復考入母校中文研究所，以《拜月亭考述》論文獲碩士學位。旋赴法國巴黎大學深造，勤研苦讀，歷經七載，以《顏習齋之教育思想》論文獲文學博士，即為國立政治大學，於中文系、所講授詩、曲等相關課程。民國九十三年八月榮聘為致理技術學校長，迄民國九十五年退休。本欲涵詠於詩書，悠遊於天地，與夫人迎江河之清風，共山林之明月。不意香港珠海學院文學院長殷殷敦請，禮聘為文史所專任教授，遂再赴海外，春風化雨四載。

先生出生於江蘇江北地區，該地區自古多英雄豪傑，性格粗獷豪邁，任事果敢英勇。然先生為人卻溫文儒雅，文質彬彬，其言行皆本之於儒家之忠恕思想，其處世則又有老莊之風，不忮不求，一派自然風範。一生行事，擇善固執，不私不苟，然待人以寬，以清廉自持；抱天地之物非吾之所有，雖一毫而莫取之操守，甚得朋儕稱道。任政治大學中文系主任期間，待同仁以誠摯，時謙和請益；對學生則循循善誘，啟迪良多，樹教育之宏規，立師道之準則。掌致理技術學校務之際，躬親鉅細校政，不辭勞瘁，任事有擔當，時公而忘私，待同仁師生親切和藹，其謙謙君子風範，令追隨者樂道之，學生則如沐春風。「君子之德風，風行草偃」，此之謂也。

先生嘗言：「大志非才不就，大才非學不成」，其一生求學、研究皆本於此也。先生天才橫溢，卓然超群，才識明敏，學詣淵深，尤偏好詞曲。隨詞曲名家盧元駿教授習之，因能窺其門得其奧也，以此深獲盧教授欣賞而成快婿，非惟愛其才，尤重其德也。先生授課之際，時吟詩唱曲，學生則沉浸於其抑揚婉轉之音韻中，不知時間之將至。先生書法瀟灑飄逸，尤精行、草，造詣之深、功力之厚，可上追漢魏。著有《拜月亭考述》、《顏習齋之教育思想》、《說詩碎語論歷代詩》、《歷代曲選注》等，多次參與中外學術會議發表論文，皆屬韻文學範疇，其論點多能得與會者之贊同與賞識。

盧永翠女士於民國五十八年來歸於先生，於茲五十餘年矣。夫人出自名門，溫恭淑慎，內助稱賢；鹿車共挽，鴻案相莊，海內海外，形影契合。與先生同赴法國留學，學成隨先生歸國，受聘醒吾技術學院，講授國際貿易、物流等課程，甚為校方倚重。育有一子鼎舜，勤慎忠誠，溫恭有禮，國立成功大學機械研究所碩士。媳李琦琦，蘭心蕙質，婉婉沉著，台中科技大學畢業。有一孫禹齊，方四歲，子媳時時過庭請安，菽水承歡，最稱孝賢。

綜先生平生，持躬清正，賦性堅剛，據德依仁，居貞體道，處眾謙恭，至誠待人，是誠如和嶠千丈之松，不足以喻其高，黃憲千頃之波，不足以方其度也。不意佚老有期，龍蛇夢兆，竟於民國一一〇年六月七日下午五時因心因性休克溘然長逝，距生於民國三十年二月十五日，享春秋八十有一。吁！天不憖遺，梁岳頽峻，即聞山陽之笛，碎子昂之琴，亦奚足以喻其哀痛乎！